



350  
texxy  
7838 J

Coll.  
1 complete

22/156



CAROLI IVSTI LVDOVICI DE CRELL

BRVNSVICENSIS

MED. STVDIOSI, SOCIETATIS PRIVATAE PHYSICAE GOTTING. SODALIS

C O M M E N T A T I O

DE

OPTIMA EXTRACTA PARANDI  
METHODO.

---

IN CERTAMINE LITERARIO

CIVIVM

ACADEMIAE GEORGIAE AVGVSTAE

DIE IV. JUNII MDCCCXIII.

PRAEMIO A REGE M. BRITANNIAE AVG.

CONSTITVTO

IVDICIO ORDINIS MEDICI

ORNATA.

---

*Nusquam opera sine emolumento, nec emolumentum ferme sine  
impensa opera est.*


LIV.

---

G O T T I N G A E

TYPIS IOANN. CHRISTIAN. DIETERICH.







---

DE  
OPTIMA EXTRACTA PARANDI  
METHODO.

---

**I**nter plerasque Pharmaciae partes nulla fere grauioris medico practico momenti est, nulla tamen magis negligitur, *quam extracta parandi methodus*. Inde ab artis pharmaceuticae incunabulis ad nostra vsque tempora, in quibus caeteroquin tot tantaque incrementa cepit, vetustiorum medicorum methodus est seruata, et nostra quoque aetate, quam aureum Chemiae seculum iure meritoque habere possumus, paullulum duntaxat mutata manet. — Sincerrimas igitur omnium medicorum grates ill. ordo Gottingensis sibi conciliabit, quod ad curatius describendam atque vltius emendandam grauissimi momenti rem, ansam praebuerit, propositoque praemio iuuenum, Chemiae studium operamque nauantium, vires ad faciendum hac in re periculum excitauerit.



---

# P A R S I.

---

## C A P V T I.

### *Generales quaedam de extractis notiones.*

#### §. 1.

Sub voce *extracti* in genere intelligimus omne id, quod *menstruis idoneis a partibus corporis minus solubilibus separatum, ab illis suscipitur*. Quum vero de eiusmodi extractis doctrina integram fere Chemiam amplecteretur, rectum quaestionis, ab illustri medicorum ordine profitaе, sensum me affecutum esse spero, si de iis solum praeparatis, quae sub extractorum nomine in pharmacopoeis veniunt, sermonem esse arbitrarer.

#### §. 2.

Extractum igitur sensu, ut ita dicam pharmaceutico, sumtum, nihil aliud est, quam *partes solubiles vegetabilium atque animalium, quae via humida a reliquis separatae, sub forma concentratori sistuntur*.

Ea, et quidem medica ex ratione, excogitata videtur illius praeparatio, ut vel maiores vires medicas minori sub volumine edat, substantia ipsa; vel ut iam soluta agat in debile corpus, cui vires ad illam subigendam et vim medicatricem extrahendam, defunt; vel ut separentur partes eidem substantiae inhaerentes, fini medico interdum contrariae; vel denique ut gustui delicatulorum blandiamur.

#### §. 3.

Secundum soluentium, quibus ad extracta paranda utimur, naturam, haec dispescuntur in *aquosa* (gummosa), *spirituosa* (resinosa) et *mixta a*); denique huc referuntur extracta, quae vocant *innominata*,

- a) Partes resinosae et gummosae inuicem iunctae, quae extracta mixta constituunt, obtinentur vel *vino* (*Extracta vinosae*), vel figillatim aqua et spiritu vini parata, postea commiscuntur. Cf. MACQUER *Chemisches Wörterb. übers. von LEONHARDI* (edit. 1.) Lips. 1781. T. 2. p. 141. — Sed nec sic exhauriuntur omnes, plurium plantarum, quae oleum aethereum continent, partes efficaces; introducenda itaque esset in Pharmacia et Medici-

na



*nata*, per expressionem paranda, (ad quae et sic dicta *Roob* pertinent, quae proprie ad extracta reliqua, secundum datam definitionem, non pertinent).

§. 4.

Nonnulli Chemici aliis quoque ad extracta paranda soluentibus, v. c. alcalibus, acidis *b*) et salibus mediis vsi sunt. Verum haec non nisi cum circumspectione adhibenda sunt, quum v. c. secundum STAHLII et LEONHARDI *c*) opinionem, extracta alcalium ope parata humorem ex aëre adtrahant, idèoque facilius situm obducant et corrumpantur. Praeterea saepe alcalia mutant mixtionem corporum naturalem, calcem acetosellatam destruunt, amara valde acuunt, (quae vero ab acidis abundantur,) haec autem partes terreas, per se insolubiles, dissoluunt. Licet inficias iri facile nequit, per complures liquores salinos partes efficaces e vegetabilibus erui posse, tamen ad harum vires ex extractis, qualia hucusque in vsu fuerunt, haud plane concludere licet. Etenim si eiusmodi soluentia v. c. liquorem terrae foliatae tartari adhibemus, hoc modo non extracta vegetabilia pura, sed medicamenta obtinemus, quae ex certis vegetabilium partibus et e substantia salina adiecta, (interdum ex affinitate duplici in ipsa actione mutata,) composita sunt. Inde facillime colligi poterit, extracta variis liquoribus parata, diuersas quoque vires medicas, saepe egregias, esse exsertura, qua de re ill. PÖRNER nonnulla protulit exempla in Delineat. Pharmac. Lips. 1764. p. 188.

C A P V T II.

*Communes extractorum proprietates.*

§. 5.

Quum in genere omnia extracta vno eodemque modo parentur, intellectu facillimum est, ea certo respectu magna inter se simi-

A 3

litudi-

na distinctio inter extracta mixta: vt v. c. Extractum Cascarillae, aquosum et resinofum inuicem iuncta, extractum *mixtum simplex*, si portionem olei aetherei conuenientem addas, *extractum mixtum perfectum* appellares. Extracta vinosa, quae operatione ipsa a vino adsciscunt partes tartareas, mucilaginosas et saccharaceas, proscribenda sunt. Cf. cl. GREN Pharmacolog. P. II. p. 387.

*b*) Sic v. c. ad resoluenda corpora gummi-resinosa et resinosa ill. BUCHOLZ aceto, magnesium sulphuratum continente, optime vititur. — Cf. N. Act. Nat. Curios. T. V. p. 48.

*c*) MACQUER l. c. p. 137.



litudine gaudere, licet iam diuersa eorum denominatio (§. 3.) indicet, ea alia quoque ex ratione inter se differre. Quae vero omnibus extractis communia esse videntur, haec sunt:

1) Omnia extracta massam constituunt modo melli similem, plus minus tenacem, modo solidam.

2) Omnia extracta in menstruis congruis quam maxime solubilia sunt, attamen aëri diu exposita, prorsus insolubilia euadere videntur *d*). An noua haecce opinio vera sit, aut a veritate magis abhorreat, infra (§. 29.) vberius disquisituri sumus.

3) Omnia extracta, sueto more parata, odore carent, quia partes vegetabilium volatiles in ipsa extractorum paratione in aërem abeunt.

4) Sapor, qui corporibus, extracta largientibus, ex specifica partium mixtione proprius est, in extractis remanet, nisi ab oleis essentialibus, inter coctionem euaporantibus, pendebat *e*). Extracta tantum non omnia amaro et salino, interdum quoque empyreumatico, (qui quidem nonnisi a vitiosa paratione proficiscitur,) sapore gaudent.

5) Extracta plurimas vegetabilium, e quibus parantur, proprietates ac vires possident.

6) Nulla extracta absolute pura sunt, quum aquosa partes resinosas, spirituosa vero partes, ab aqua adhuc extrahendas, contineant.

#### §. 6.

Quum vsque ad initium vltimorum decenniorum parandorum extractorum modus adeo neglectus sit, facillime adparet, illa non omnia ea praestare potuisse, cuius causa in facienda Medicina adhibentur.

Huc pertinet:

1) Communis extracta parandi methodus eiusmodi est, vt per eam partes vegetabilium extractiuas numquam puras accipiamus. Quanti haec res in vsu medico detrimenti sit, cuique facillime illucescet.

#### 2) Ex-

*d*) V. cl. FOURCROY (Ann. de Chim. Tom. VI. p. 180). Huc quoque referri posse videtur partis extractivae Corticis Peruviani per coctionem decompositio, quam animaduertit Cl. BEAUME Elemens de Pharmac. edit. III. p. 301 et 314.

*e*) C. W. FIEDLER *allgem. pharmaceut. - chym. - mineralog. Wörterb.* Lips. 1790. T. II. p. 82.



2) Extracta per consuetum ea parandi modum iusto cariora euadunt.

3) Saepissime extracta *empyreumatica* sunt, quod quidem detrimentum ab iniusto ignis moderamine, magis vero adhuc inde proficiscitur, quod ipsum vas, in quo massa extracti euaporatur, immediate super igne, vel balneo arenae collocatum sit; quo facto ipsa continua massa circumactione empyreuma non prohibetur.

4) Difficillimum hucusque fuit, omnes extractiuas vegetabilium partes eruere, quoniam communia soluentia partes, in omnibus fere vegetabilibus intimius mixtas *f*), separare et extrahere nequeunt.

### C A P V T III.

#### *De varia extractiorum paratione.*

##### §. 7.

Partes extractivae eliciuntur: 1) per expressionem, 2) per infusionem, 3) per coctionem, 4) per triturationem. Quaecunque harum methodorum singularibus virtutibus gaudet, attamen suis quoque incommodis laborat. De singulis iam sigillatim agendum est.

#### I. *Extracta per expressionem.*

##### §. 8.

Inter omnes extracta parandi modos, *expressio* simplicissimus est, et summam, si quid sentio, prae caeteris laudem mereretur, si in omnibus vegetabilibus substantiis, quae nobis extracta exhibent, adhiberi possit, quod quidem in extrahendis corticibus, lignis et quamplurimis radicibus fieri nequit. Adhibentur ad extracta, hoc modo paranda, prela lignea, sub quibus vegetabilia exprimuntur, quorum succus, facta leni coctione, et per oui albumen depuratione, deinde ita euaporatur, ut vel soliditatem, vel saltem syrupi consistentiam adquirat.

##### §. 9.

Extractorum per expressionem paratio potissimum convenit:

1) Vegetabilibus recentibus, 2) eiusmodi vegetabilium partibus, quae succo scatent, ideoque iam in ipsa sua mixtione soluens continent, praesertim igitur foliis, floribus et fructibus horaeis.

A 4

Ex

*f*) V. RUD. AUG. VOGEL'S *Lehrsätze der Chemie, ins Deutsche übersetzt von WIEGLEB.* Weimar 1775. p. 605.



Ex vtraque caussa extracta vegetabilium vere florentium, v. c. Trifolii fibrini, Centaurei minoris etc. per expressionem parantur.

Expressio sequentibus commodis gaudet: 1) Simplicissima est, minimis itaque impensis et opera absolvitur. 2) Omnes vegetabilium partes efficaces, servata naturali mixtione, sistit. 3) Non *tanta* partium volatilium copia, quam in infusione admittitur.

Nihilo tamen minus haecce methodus magna adfert incommoda. Etenim:

1) Per expressionem non solum partes efficaces, salinas, gummosas et resinofas verum etiam inanes, v. c. terreas, obtemus. Eiusmodi extracta semper igitur mixta et impura sunt.

2) Quum ea quoque extracta, hoc modo parata, euaporari debeant, multae partes volatiles in aërem abeunt.

## II. *Extracta per infusionem.*

### §. 10.

Modo extracta parandi praecedenti prorsus contrarius est is, qui per *infusionem* absolvitur. Infusio in *frigidam* et *calidam* probe dispesci potest. Quum vero illa satis superque nota sit, hanc solum breui describere necesse erit:

Partes vegetabilium, e quibus extracta paranda sunt, dissecantur vel contunduntur, vt soluens penitus eas penetrare possit, aquae sufficiente quantitate infunduntur, quod bis terue repetitur, donec adfusa aqua nec saporem nec colorem amplius assumit. Solutio hoc modo obtenta filtratur et leni igne euaporatur, donec iustam spissitudinem adepta est. —

Eadem fere ratione extracta resinosa parantur.

## III. *Extracta per cottionem.*

### §. 11.

Si vegetabilium partes efficaces vel penitus non exhauriuntur, vel saltem non sine difficultate et magno temporis dispendio; tunc praegressis aliquot infusionibus illa adhuc subiicimus coctioni, quam si vegetabilia partibus volatilibus plane carent, statim adhibemus, qua post aliquot horas peracta, eadem, cuius in Cap. praecedenti mentionem fecimus, methodo vtimur.

### §. 12.



## §. 12.

In hacce, extracta per infusionem et coctionem parandi methodo desideramus, quod neque necessaria aquae infundendae quantitas, nec ignis gradus adhibendus, nec evaporationis tempus certis fixisque rationibus sint determinata. Ita fit, ut adfusa *nimia* aquae quantitate nimium temporis in euaporanda eiusmodi solutione teratur, nisi vero sufficiens aquae copia infunditur, suspiciendum est, ne omnes partes efficaces extrahantur. Similia incommoda ex gradu ignis adhibendo, et tempore ad euaporandam necessario, non satis determinatis, oriunda esse, quis, quaeſo non perspiciet? — Aliud denique incommodum cum hac methodo saepe coniunctum est, quod nimirum, quum plurima extracta vere melius parantur, adfusa aqua, quae per plures dies super vegetabilibus, e quibus extracta elicimus, stare debet, facile in fermentationem abeat vel situm obducatur, qui super ipso Cortice peruiano, praestantissimo illo antiseptico, per plures dies aqua macerato, gignitur g).

## §. 13.

Praemissis iis, quae ad paranda extracta in genere huc pertinent, disquirendum adhuc est, quibusnam vegetabilium partibus, et sub quibus conditionibus infusio aut coctio maxime conducat.

Infusio calida vel coctio ad extracta paranda maxime idonea est:

1) Si aqua frigida omnes partes efficaces vel plane non, vel citius meliusque per coctionem extrahi possunt, quod quidem in quamplurimis extractis, et cl. HEYERi opinione melius, quam in methodo Garayana, fit. — Extractio per coctionem in omnibus vegetabilium partibus non vno eodemque temporis spatio absolvitur. Ita secundum cl. HEYERi h) observationes in herbis recentibus coctiones duae, in radicibus et corticibus tres vel quatuor sufficiunt; ligna vero coctionem decies repetitam requirunt.

2) Si cum gummosis alias quoque vegetabilium partes extrahere cupimus, et si partes volatiles vel omnino desunt, vel earum ratio non habenda est.

Ex his sequitur, infusionem calidam vel coctionem ad paranda e plurimis vegetabilibus siccis, e lignis et corticibus extracta, esse necessariam.

## §. 14.

g) V. HEYER in Patris *Chem. Annal.* 1784. II. p. 34.

h) L. c. p. 35.



## §. 14.

Haecce methodus sequentia prae caeteris commoda habet:

- 1) Solutionem nanciscimur quoad licet perfectam, ideoque omnes partes efficaces extrahuntur.
- 2) Haecce methodus breviori, quam sequens, temporis spatio absoluitur.

Pari modo haec operatio nonnullis grauis momenti vitiis laborat:

- 1) Duplex ignis pabulum ad perficiendam nimirum coctionem atque euaporationem desideratur.
- 2) Maxima partium volatiliū pars euaporat, quod ex odoris defectu perspicere possumus i).
- 3) Quum per coctionem omnia soluantur, vel saltem suspendantur, extracta pura hac ratione obtinere nequeunt.

IV. *Extracta per triturationem.*

## §. 15.

Iamiam peruenio ad vltimam extracta parandi methodum, quae, quo recentior et quo magis a Chemicis vexata est, eo accuratiorem desiderat contemplationem. Inventor nouae huius methodi fuit Comes DE LA GARAYE, aut vt alii volunt k) JOEL. LANGELOTTUS, quod vberius disquirendi hic locus non est. — Si hancce methodum paullo curatius consideramus, quisque perspiciet, eam a methodis, de quibus supra egimus, non adeo differre, quam vulgo putatur, eamque ex infusione et, vt ita dicam, expressione, compositam esse, quod ex breui illius descriptione l) luculenter, si quid sentio, adparebit.

Partes vegetabilium siccae ac duriores in puluerem redactae, recentes vero contusae, in vitreum vel terreum vas, aqua ad dimidiam repletum, inmittuntur. Aliquot horis post, massa ope machinae, ab

i) V. LIPPARD *Bemerkungen über die Bereit. der Extr.*; in *Chem. Annalen* 1785. I, 409.

k) Epistola de rebus in Chemia praetermissis. (*Ephem. Nat. Cur.* Dec. I. Annotat. 3. p. 83.)

CH. G. ESCHENBACH *Diff. Phys. - Chem. de Extractis vegetabil. Garayanis.* P. I. Lips. 1779. §. X.

l) *Chym. hydraul.* par Mr. DE LA GARAYE. à Paris 1745. 12. ESCHENBACH l. c. §. IX.



ab ipso Comite curatius descriptae et delineatae *m*), circumagitur, et quidem per sex, octo, imo plures horas, absque vlla interruptione. Quibus peractis aqua, particulis vegetabilium plurimis impraegnata, subfidendo depuratur et super discis porcellaneis euaporatur. Pulvis, quae discorum fundum ante euaporationem peractam petiit, iterum methodo enarrata tritatur.

## §. 16.

Omissis iis, quae nonnulli eruditi huic methodo obiecerunt *n*), ea tantummodo, quae methodo Garay., si quid video, obstare videntur, proferre liceat:

1) C. DE LA GARAYE contendit, extracta sua partibus volatilibus non esse destituta, sed solum partibus inertibus carere. Me vero iudice illa ab hisce non immunia sunt, licet partes istae ob maiorem grauitatem, tempore euaporationis magna ex parte fundum petant. Attamen plures cum partibus extractiuis coniunctae sunt, et in minimis moleculis adeo suspensae haerent, vt operatione illa mechanica nullo modo penitus separari queant, siquidem eiusmodi extracta, aqua iterum soluta, terrae haud parum demittunt. Praeterea haec extracta nec simplicia, (i. e. mere gummosa) sed resinosis quoque partibus referta, ideoque mixta sunt. Ex his colligo, per methodum Garayanam stricte sic dictam, plurimas vegetabilium partes extractivas elici quidem posse; attamen ad extracta pura, qualia a medicis saepe desiderantur, paranda, non esse adcommodatam.

2) Haecce methodus nimias impensas temporis, vasorum et pabuli ignis requirit; et secundum b. Vogelium *o*) ei faciliior aquae feruentis adfundendae modus substitui potest.

B 2

3) Ex-

*m*) Licet ille eandem magnis laudibus extulerit, tamen teste cl. BEAUME (l. c. p. 311) plurimi illam haud vtilem esse, vsu edocti sunt, et ipse Comes plures ante eius mortem annos illa vti desist.

*n*) ESCHÉNABACH l. c. §. VIII. — Ill. atque celeberr. GMELIN (in libro suo praestantissimo, cui titulus est: *Grundriß der Pharmacie*, Göttingen 1792. p. 248.) hanc de Extractis Garay. fert sententiam: perpetuo motu vim aquae extrahentem et faciliorem reddi et adaugeri, eaque colore lucidiori et interdum structura laminosa esse.

*o*) WIEGLEB l. c. p. 605.



3) Extracta Garay. facilius humores ex aëre adtrahunt; quod vero commune cum aliis extractis siccis vitium est. — Nihilo tamen minus illa iam diu in magno pharmacopolio Neuwiediano parantur *p*).

## PARS II.

### §. 17.

Absoluta prima opusculi nostri parte, in qua de extractis in genere egimus, nunc in altera de iis sermonem faciamus, quae propius ad propositam ab illustri Medicorum ordine quaestionem resolvendam spectare mihi visa sunt. Nemo me melius sibi persuaferit, me noui paullulum, vel prorsus nihil esse praestitutum: nihilo tamen minus illustrium virorum humanitas animum erigit, vt iis me inmiscam, qui de palma certare audent.

### §. 18.

Antequam ea, quae ad emendandam, si quid video, extractorum parationem aliquid facere possint, in medium proferam, pauca de iis, quae recentioribus Chemicis debemus, praemittere, officii ratio postulare videtur.

Primum itaque methodi virorum cl. HERMBSTAEDTII *q*) et LIPP-HARDI *r*) mentionem faciam, eiusdemque epitomen ipsis fere illorum verbis dabo:

“Substantiae comminutae in vase terreo, ligneo aut vitreo sufficiente aquae frigidae quantitate infundantur. Eiusmodi solutio stet per 24 et plures adhuc horas, ita quidem, vt saepius pistillo ligneo circumagatur. Deinde liquor in manica sic dicta HIPPOCRATIS suspendatur, et aqua destillans saepius in eam refundatur, donec ille concentratus et pellucidus transit. Obtenta hoc modo solutio dein in vase stanneo in balneo maris euaporatur.”

Haecce methodus multis gaudet virtutibus:

1) Obtinemus per eam extracta multo puriora, quam quae secundum methodos praecedentes parantur.

2) Haud

*p*) V. b. DU ROI über die zu Neuwied im Großen bereiteten Extracte (BALDINGER'S Magaz. für Aerzte. 8. Jahrgang. St. 8. p. 705 sqq.)

*q*) Physikal.-chem. Versuche und Beobacht. B. 2. p. 65.

*r*) l. c.



2) Haud nimis chara est et fatis breui temporis spatio et sine magna opera absolvitur.

Attamen haud plane perfecta est, siquidem ad paranda e lignis, corticibus et i. g. a. extracta haud commode adhibere potest. Magna quoque partium volatilium copia euaporat, quod tamen a cl. LIPP-HARDO negatur. — Quum per circumactionem partes quum terreae, tum resinosae, auellantur, et hae cum gummosis intime coniunctae sint, tantum abest, vt extracta modo a cl. illis viris proposito parata, pura euadere possint, vt potius haud parum alienarum partium contineant.

§. 19.

Recentissimam eamque sane optimam extracta parandi methodum profert ill. GMELIN s), quae, si recte eam perspexerim, in sequentibus potissimum constat: Infusa vegetabilium studio parata atque saturata, per chartam colantur, et super discis ex porcellana factis ad eum vsque gradum euaporantur, donec syrupi consistentiam adquirere incipiunt. Postquam refrigerata sunt, in aquam frigidam funduntur. Liquor inde obtentus pellucidus dein pari cura euaporatur, et post refrigerationem iterum in aquam frigidam inmittitur, quae quidem procedendi methodus toties repetitur, donec infusa aqua haud amplius turbatur et liquor pellucidus est, qui tandem super discis porcellaneis ad syrupi consistentiam euaporatur.

§. 20.

Quum per plures extracta parandi methodos partes gummosae et resinosae simul obtineantur, interdum necesse videtur, vt, quod quidem in extractorum in Medicina vsu raro tantum desideratur, illae separentur. Haud incongruum itaque foret, haec extracta ab aliis in Pharmacia discerni, eaque *extracta aquosa depurata*, et *extracta resinosa depurata* adpellari.

§. 21.

Iamiam ad ea peruenio, quae, si quid sentio, in extractorum paratione hucusque vsitata, vel tolli, vel addi atque emendari et possint et debeant.

Ad emendandam perfectamque reddendam extractorum parationem, sequentia notanda videntur:

B 3 1) Ex-

s) l. l. §. 218.



1) Extractorum paratio ita fieri debet, vt omnes vegetabilium partes, quae in extracta vel aquosa vel spiritiosa recipienda sunt, exclusis omnibus particulis inanibus, probe penitusque extrahi possint, et quidem in optima forma, ita vt extracta nec empyreumatica fiant, nec partibus volatilibus, quoad fieri potest, orbentur.

2) Omnia extracta, i. e. resinosa et gummosa, purissima esse debent.

3) Extracta parandi methodus eiusmodi esse debet, vt minimo, quantum fieri potest, *temporis*, *vasorum*, et *pabuli ignis* dispendio absoluantur.

De singulis hisce rebus iam sigillatim agendum est.

#### §. 22.

##### 1. De optimo extrahendi modo.

Quum extractorum virtutes ab eo potissimum pendeant, vt ipse extrahendi modus, i. e. vel expressio, vel infusio etc. tam perfectus sit, quantum esse potest; dignum omnino opera esse videtur, in hac re considerata paullo diutius commorari. —

Omnia vasa, quibus hodie ad coquendas substantias vegetabiles, e quibus extracta paramus, vtuntur, eiusmodi sunt, vt in iis nunquam talia extracta parari posse videantur, qualia iure meritoque desideramus. Etenim pharmacopoeae ad coquendum ahenis vtuntur, quod multis omnino incommodis laborat, quia cupreum, in interna quidem superficie stanno obductum est; quod si non purissimum est atque internum illius ambitum non vbique obtegit, solutis per acida vegetabilia particulis metallicis, extracta non solum impura, verum etiam corpori infensa reddere potest. Deinde ita comparatum est, vt partes volatiles necessario in aërem abeant. Denique eiusmodi est, vt calor in illud aequali modo agere nequeat, quo fit, vt massa in fundo facile adurat.

#### §. 23.

Ad remouenda haecce incommoda necesse est, vt talia vasa ad coctionem adhibeantur, quae nec partibus ex sua substantia solutis, extracta corrumpere possunt, in quibus vapores retinentur, ideoque partes volatiles, quoad licet conseruantur, denique quae ita comparata sunt, vt nimius caloris gradus auertatur et massa aequaliter calefiat. Spero fore, adparatum, quem describere infra locus erit, illis desideratis esse satisfacturum.

#### §. 24.



## §. 24.

Quum extractorum, vt ita dicam bases infusa et decocta *t*) sint, inquirendum est, quaenam eorum meliorem illis indolem concilient. Dicunt, extracta per infusionem, imprimis frigidam parata a partibus resinosis libera esse, et praeterea pluribus partibus volatilibus gaudere, quam extracta per coctionem facta. Hoc quidem lubentissime concedo, si illis partes volatiles non desunt, illud vero a veritate longius abest, siquidem experimentis ipsis, a me postea (Exp. 24-27.) proferendis, conuictus sum, eiusmodi extracta partibus resinosis haud destituta esse. Per coctionem vero parata pluribus utique scatent partibus resinosis; nihilo tamen minus easdem qualitates, eundemque saporem gratum (Cf. Exper. 27.) illis conciliare possumus, si haec extracta [imprimis si iam antea eiusmodi decocta per subsidientiam a magna partium resinosarum copia liberata sunt *u*),] methodo §. 29. descripta, quam et extracta frigida exposcunt, tractamus. Quibus motus suaderem, vt cum plerisque vegetabilibus duas infusiones cum octo partibus aquae, et tunc coctionem cum partibus octodecim ad remanentiam partium duodecim instituamus. Coctione atque euaporatione factis, infusum frigidum addatur.

## §. 25.

De extractorum per *coctionem* paratione, sequentia notanda habeo:

1) Partes vegetabilium coquendae in puluerem exactissime redigantur, aut saltem in minutissimas, quantum fieri potest, partes concidantur, eum quidem in finem, vt soluens fortius in eas agere possit, coctio itaque melius citiusque absoluat.

2) Haud nimis magna aquae copia adfundi debet, ne euaporatio iusto magis inde protrahatur. Hoc graue contra solam infusionem argumentum est, quae plus aquae ad exhauriendas omnes vires requirit *x*). Ad vnam massae extrahendae partem, 24 aquae partes, quarum  $\frac{1}{3}$  in aërem abigitur, adhiberi solent; sed licet haec quantitas

*t*) Quum in parandis decoctis non semper aequalis partium efficacium copia contenta sit, ideoque vis, quam exferit, determinari nequeat, *areometra*, qualia ad examinandam cereuisiae conditionem in usu sunt (Cf. RICHARDSON *statistical estimate, of the materials of brewing*, London 1784, germanice redd. a L. CRELL. Berol. 1788. 8.)

*u*) Cf. LEWIS *new dispensatory*. London 1770. p. 408.

*x*) LEWIS l. c. p. 403.



tas quam plurimum ad probam coctionem sufficiat, in quibusdam vero vegetabilibus plus adhuc requiritur.

3) Vasa, in quibus coquitur, quam optime claudi debent, ut si partes volatiles adsint, haec, quantum fieri potest, retineantur.

4) Per integrum coctionis tempus, (quod quidem, quum vegetabilia coquenda adeo diuersae naturae sint, accurate determinari haud probe potest, non iusto maior ignis gradus adhibeatur *y*).

5) Partium duriorum coctio tam diu repeti debet, donec massa insipida remanet *z*).

#### §. 26.

Pauca ad §. 24. experimenta exempli loco sub finem capitis huiusce adiciamus:

##### *Exp. I.*

Corticis Angusturae  $\mathfrak{z}$ ij, in tenuissimum puluerem redactae, affudi aquae purae  $\mathfrak{z}$ xvj, quas 24 horis post, praeuia frequentiori totius massae agitatione, per chartam emporeticam albam colavi, quo facto infusum adsumsit colorem aurantium.

##### *Exp. II.*

Residuo I. iterum affudi aquae  $\mathfrak{z}$ xvj; quo eadem quam Nr. I. ratione tractato, coloris erat flavi in rubrum vergentis.

##### *Exp. III.*

E residuo II. eadem ratione infusum coloris saturate flavi obtinui.

##### *Exp. IV.*

Quarta eodem modo instituta infusio fluidum eiusdem coloris ut Nr. III. praebuit.

#### §. 27.

De expressione pauca tantummodo adicere opus est:

1) Prelum ad expressionem adhibitum ex ratione facile perspicienda e ligno duro fabricatum esse debet.

2) *Massa* expressa in vasis stanneis recipiatur.

3) Expressio haud nimis diu continuari debet, (ne particulae terreae extracti massae commisceantur,) sed tam diu solum, donec adfusa aqua nec saporem nec colorem inde acquirit.

4) Ad

*y*) FIEDLER l. c. p. 84.

*z*) Id. ibid.



- 4) Ad *initium* expressionis vel plane nihil, vel paullulum duntaxat aquae adfundatur, ne deinde massa euaporanda praeter necessitatem augeatur.

§. 28.

*De euaporatione.*

Euaporatio ea est operatio chemica, in qua fluidum per lenem ignem a partibus solutis separatur, quo fit, ut massa residua vel consistentiam mellis induat, vel penitus solida atque sicca euadat.

Euaporatio in amplis terreis aut stanneis vasis fieri solet. Tempus, in quo haecce operatio peragitur, neutiquam semper idem est, sed secundum fluidi partes extractiuas soluentis extractique ipsius consistentiam *a*), denique secundum adhibitum ignis gradum quam maxime differt.

§. 29.

Euaporatio summam postulat circumspectionem, ne nimius ignis gradus empyreuma inducat, quod 1) non solum sanitati infensum est, verum etiam 2) *vim naturalem* et 3) saporem *proprium* aufert, 4) *ingratum* conciliat. In ipso balneo arenae, quo ante C. D. L. GARAYE tempora solummodo utebantur, vix umquam euitari potuit; qua re motus ille balneum Mariae suavit, quod vero ob adparatus ipsius incommodam fabricationem et molestias non exiguas, cum eius usu coniunctas, paucis tantum arridebat, quamvis calor gradus semper idem est, et iusto maior (in extracti damnum) euenire nequit. Facillimus modus erat, ut extracta iisdem in locis exsiccarentur, qui iam fornace calefacti erant. Cl. LAVOISIER *b*) consilium viam mihi aliquo modo aperuit, ut furnum sequenti modo construerem:

E laminis ferreis parabam cistam, longitud. 2', latitud.  $1\frac{1}{2}'$ , altitud. 1' (cuius latus anterior mobile est ansaque penitus auferendum) eandemque collocabam 7" super craticula, quae a cinerario fere  $1\frac{1}{2}"$  distabat. Ad 2" super fundo cistae interno collocaui reticulum, ex filis ferreis paratum, quod vasa, fluido euaporando repleta, sustinebat.

§. 30.

*a*) Ill. GMELIN (l. c. p. 274.) tam diu euaporari suadet, donec extractum eam adquisiuerit conditionem, ut calidum manui impressum huic non adhaereat.

*b*) *Traité element. T. II. a Paris 1780*: "On place une ou plusieurs de ces phioles sur une seconde grille de fer, qu'on pose sur la partie supérieure d'un fourneau, et sous laquelle on entretient un feu doux."



## §. 30.

*Exp. V.*

Orbes quinque diuersae magnitudinis repletos Cort. Peruv. rubri decocto, quod 4 horis post abibat in extractum siccum, in descriptum reticulum imposui. Illud vero, quamuis nullo modo empyreumaticum, coloris tamen multo obscurioris erat. Qua in euaporatione perficienda consumebantur carbonum ℥ 4. ℥ij, ligni fagini (ad calefaciendum fumum cystiformem cet.) ℥ij ℥ij.

## §. 31.

Felici experimenti V. successu, speque ipsa incitatus, fore, ut idem calor, quin vapores ipsi ab orbibus surgentes, maiorem in usum vertantur, aliud adhuc reticulum ad 1" super primo collocaui.

*Exp. VI.*

Vtrique reticulo imposui vasa ℥ij Decocti C. P. repleta; horis 4½ praeterlapsis orbes nil nisi extractum siccum continebant, et quod in vasis secundi reticuli supererat, fluidi ℥xiv remanebant. Carbonum consumpsi ℥iv, ligni ℥ij, ℥ij.

## §. 32.

*Exp. VII.*

Iisdem rationibus ductus, tertium reticulum, eadem in distantia a secundo adiecti, et cuius imposui eundem vasorum numerum, et parem Decocti C. P. quantitatem (i. e. ℥ij) continendum. Quatuor horis nondum praeterlapsis orbes reticuli inferioris siccus erant; medii vero fluidi ℥xv, superiores ℥xvii adhuc continebant. Carbonum lignique consumptio eadem fere erat, ut §. 31.

## §. 33.

Quem exposui euaporationis modus utilis omnino censendus est, imprimis si orbes reticulorum superiorum cum orbibus infimi mutantur. Pluribus adhuc, quam enarraui, experimentis institutis et inter se collatis, in genere colligo: ad euaporationem ℥vj fluidi, per 4½-5 horas requiri carbonum ℥ij, ℥v-vj; ligni ℥ij, ℥vij. Interea tamen aliam euaporationis methodum in sequentibus describemus, quae minores adhuc sumtus, quam §. 29-32 descripta, minoremque curam et circumspeditionem requirit, quas omnino, licet non ita videatur, adhibere oportet. Quum enim in eiusmodi experimentorum serie ex improviso ignis iusto celerius adaugeretur, inueni loco extracti siccus  
in



in orbibus reticuli primi verum carbonem, ipsius colore et solubilitatis saporisque defectu conspicuum.

§. 34.

Sequentia de instituenda euaporatione notanda habeo:

1) Euaporatio eo citius meliusque perfici potest, quo magis saturata est massa euaporanda. 2) Euaporatio non in vasis terreis aut e stanno communi fabricatis, sed super discis latis, vel e stanno purissimo Malaccensi, vel e porcellana paratis, fieri debet. Quamquam eiusmodi vasa communibus paullulum sint cariora, attamen quisque pharmacopola iis uti deberet, quoniam extracta hunc in modum contra omnem labem alienam, sanitati saepe infensam, tuentur, et puriora evadunt, melioremque speciem externam obtinent. Eadem ex ratione cl. LIPP-HARD, ut vasa e porcellana Réaumur. confecta adhibeantur, auctor est. Veruntamen usus eorum frequentiori obstare videtur, quod, quum fabricae porcellanae Réaumur. nullibi adsint, ab ipso pharmacopola confici debeant.

§. 35.

In § praecedenti diximus, euaporationem in discis *latis* fieri debere; eius quidem rei ratio hucusque omnibus Chemicis communis fuit, ea nimirum, ut euaporatio eo facilius fiat, quo maior praebeatur fluido euaporanti superficies. Quae ratio licet strictissima videatur, tamen ab ill. LAVOISIER \*) in dubium vocata est, quippe qui contendit, ad euaporationem fluidi ebullientis, formam vasis nihil facere. Quae quidem opinio minus mihi arridet, et quidem sequentibus ex rationibus:

1) Dubio plane caret, duo menstrua eo melius in se agere, quo maior iis conceditur superficies. Quum vero actio aëris, fluida in se suscipientis, ignisque, eadem in vapores mutantis, minor esse debeat, quam in vasis latis, sequitur, ut euaporatio, in LAVOISIERI modum instituta, minor ideoque communi postponenda sit:

2) Si quoque concederem, euaporationem in vasis *profundis* tam probe, quam in *latis* fieri posse, quisquis tamen perspiciet, eam non tam brevi temporis spatio absolutum iri. — Licet his rationibus convictus sim, experientiam tamen consulere optimum duxi.

C 2

§. 36.

\*) Elem. de Chim. Tom. II, p. 432 et 435.



## §. 36.

*Exp. VIII-XI.*

Experimenti instituendi causa cucurbitarum, magnitudine haud diuerfarum, et fluidorum  $\text{℥xxxij}$  solo ventre, quem vocant, complectentium adhibui tres A. B. C., detruncatis tamen duabus A. B., ita vt nonnisi vtriusque venter remaneret. Infusionis frigidae corticis Angusturae infudi  $\text{℥xvj}$  detruncatis hisce vasis, et quidem A. infusionem exp. III. §. 26, vasi B. illam experimenti I., integrae cucurbitae C. exp. II. nec non orbi admodum plano D. illam experimenti IV. Quae quidem vasa omnia haud contexta erant, si a vase B. recesseris, quod charta bibula, quater complicata, eaque in os vasis intorta, ac lini opera vasi alligata, operui. Sic vasa haec in cistam posui parum profundam planamque et arena repletam, ita tamen, vt omnia pari arenae profunditate gauderent. Post semihoram fluidam C. bulliens, liquidum B. vero minus licet bulliens, longe vero magis spumans, inueni; massa denique A. bullas nonnullas agens leniter bullire videbatur, id quod in massa D. animaduerti vix poterat. Tribus horis elapsis, D. siccum euaserat extractum pondere gr. XXV.; A. praeterlapsis insuper adhuc  $1\frac{1}{2}$  horis gr. LII. B. demum post horam et quadrantem (vel si massae D. rationem habueris post horas  $2\frac{3}{4}$ ) gr. XLVI (coloris saturati brunei in atrum vergentis) massae denique C, quae vix imminuta videbatur per VIII. horas (adeoque additis reliquis horis per XIII horas) concoctae  $12\frac{1}{4}$  vnc: residuum inueni, quod facta euaporatione rediit ad extracti gr. XL. — Eadem experimenta parum mutata repetii eodem cum successu.

## §. 37.

An extracta mollia aut sicca praeferenda sint inquirendum nunc est. Quod haecce mihi magis arrideant illis, sequentibus rationibus nititur. 1) Quantitas partium actiuarum, scopo in primis medico, in siccis exactissime determinari potest; quum e contrario quantitas menstrui, extractum molle constituentis, nunc maior nunc minor, mimis incertis limitibus circumscripta est. 2) Extracta facilius longiusque conseruari possunt, nec situm contrahunt, nec ad fermentationem prona euadunt: et quamuis extracta sicca, aëri diu exposita, humiditatem attrahant, inclusa tamen lagenis vitreis subere obturatis facili negotio ab omni labe aliena seruantur. 3) Quum eodem modo, quo iure suo omnia extracta confici oporteret, (i. e. balneo



balneo Mariae vel vaporis, cf. §. 29.) extracta absque omni detrimento ad siccitatem vsque euaporari possint; nulla videtur ratio, ob quam media quasi in via subsistamus, quum praeterea, sicca meliore aspectu formaque, et faciliori transportatione in pharmacopolis castrensis et naualibus sese commendent.

### §. 38.

Pauca tantum de *extractorum conseruatione* illis, quae §. 37. dicta sunt, adhuc adicere liceat. Illa contra alias iniurias tuenda sunt, quod in vasis vesica porcina, vel charta cera imbuta, clausis, vel in extractis siccis subere, optime fieri potest. Hoc ea ex ratione requiritur, ne extracta aëri exposita humiditate corrumpantur; aut secundum cl. FOURCROY opinionem insolubilia fiant c). An haec opinio vera atque experientia, eaque pura, sit nixa, decidere non ausim, licet dubiam eam mihi videri lubenter confiteor: cuius quidem rei plures mihi occurrunt rationes. Ipse cl. FOURCROY mihi videtur extracta ex infusis frigidis parata pro puris habuisse, resinam non continentibus, (cuius contrarium infra exp. 27-30. apparebit): quo ductus, resinam post nouam solutionem repertam, recentius generatam esse putaret, licet iam antea in extracto haereret. Fac vero, extractum reuera optime iam depuratum, et absque omni resina fuisse; multum tamen abest, quin resinam ex absorptione oxygenii ex aëre modo generatam esse mihi persuaderem, vt noua potius vis aëris vere acidificantis documenta adhuc desiderem. Nota praeterea nobis res est, partes gummosas ex acido et oleo esse conflatas, cum cl. WOULFE ex substantiis gummosis, ope salis alcalini adiecti, destillando obtineret multum olei nulla ratione empyreumate inquinati. Quae quum ita sint a vero propius abesse videtur, materiam gummosam, post intestinam partium solutarum in se inuicem actionem successiuam partem vnā oleosam soluto connubio dimittere, (pari modo, quo olea aetherea spiritu rectore orbantur), quo facto pars altera, acida, remanens in reliquis partes oleosas gummosae materiae haud decompositae agat, et has ipsas suprafaturatione condenset, et in veram resinam vertat. Si quae cl. BEAUMÉ profert, vera experientiaque comprobata essent, cort. Peruv. diuturna nimirum coctione (vti supra iam dictum est) fluidum sistere, quod multas partes insolubiles contineat, tunc vi ipsius huius coctionis eam forsan

C 3

decom-

c) V. supra §. 5. (2) "Elle devient indissoluble (dans l'eau) et dissoluble dans l'alcool, et dans les alcalis."



decompositionem expectare possemus quam continuo licet lentiori aëris influxui tribuimus. Quae autem iam dicta a vero longius abesse mihi videntur, quum potius crederem, insolubiles istas partes nil esse, nisi calcem acetosellatam, longa coctione extricatam, quae teste immortalis SCHEELIO d) copiose satis in cort. Peruv. adest, quaeque cl. BEAUMÉ protinus incognita erat.

## §. 39.

Ad ipsam extractorum parationem quae requirantur, licet in antecedentibus iam dicta sint, ea tamen hic studio colligere non inutile videtur.

Partes vegetabilium concisae infundantur octupla quantitate aquae in vase clauso per aliquot dies. Postea massa per aliquot horas cum 18. partibus aquae ad consumptionem 6. partium cocta vel vasis stanneis vel de porcelana factis in balneo maris euaporent, donec paululum adhuc fluidi remaneat, quod dein in vasis latis in calore lenissimo penitus dissipatur.

## §. 40.

*De extracti resinosi paratione.*

Magna vegetabilium copia, e quibus extracta parari solent, praeter partes ex aqua extrahendas resinam quoque continent; quae quum vires medicatas, per se licet egregias, extractis aquosis saepe oppositas possideat, necesse est, ut a partibus gummosis separari, separataque colligi possit, quae tunc extractum resinosum siue spirituosum audit.

## §. 41.

De extractis resinosis in genere notamus: 1) Si ex corporibus, quorum maxima pars est resinosa, minor gummosa, et v. v., illam separare atque extracta pura vnius modo generis conficere cupimus; instituenda est primum extractio mediante aqua, dein spiritu: quaeque extracto aquoso insunt partium resinosarum ab eo separantur modo §. 42. describendo. Contrariam vero rationem in corporibus maxima parte gummosis adhibeamus: etenim quum haec in vini spiritu non solvantur, nisi appropriatione partium resinosarum et vice versa resinosa in aqua non nisi ope gummosarum suspendantur; per se liquet, has solutiones eo minus perfici, quo magis diminuta est quantitas partium vel gummosarum vel resinosarum. 2) Vegetabilium

d) *Schwed. Acad. N. Abh. B. 6. P. 169.*



lium substantiae, e quibus extracta resinosa parare cupimus, perfecte siccae esse debent, (ita tamen ut vires suas proprias non amiserint) ne earum phlegma spiritum vini aquosum reddat; dein ut naturalis gummofarum cum resinosis partibus combinatio exsiccatione iam aliquo modo soluta sit. 3) Nonnulla extracta resinosa v. c. extract. Cascarill., cort. Peruv., Guajac., Quass. et Rhabarb., albumine oui non depurari debent, quippe quo partibus resinosis maxima ex parte priuantur e). 4) Vini spiritus adhibendus aqua carere debet, ut eo minus partium gummofarum dissolvat.

§. 42.

Extracta resinosa parandi modus sequens est.

Vegetabilibus in minutissimum pulverem reductis vini spiritus rectificatissimus affundatur, qui adhibita leni digestionem super iis tamdiu stare debet, donec nihil amplius soluitur. Ne vero iste spiritus amittatur, solutio lenissimo calore destilletur remanente parte resinosa: (quodsi vero illius nullam rationem habeamus, admixta aqua e menstruo suo descendit.) Deinde extracta calore balnei maris super discis latis methodo enarrata desiccantur.

§. 43.

*Exp. XII.*

Residuo  $\mathfrak{z}$ iv C. Angusturae, quod partibus gummosis plane exhaustum erat (Cf. infra Exp. 19), affudi  $\mathfrak{z}$ x spiritus vini rectificatissimi, quem leni digestionis calori exposui; quo factio saturate flavum induit colorem.

*Exp. XIII.*

Solutione Exp. 12. decantata, iterum affudi  $\mathfrak{z}$ vj. eiusdem spiritus, qui modo iam descripto, colore flavo, sed non adeo saturato tinctus erat.

*Exp. XIV.*

Residuo Exp. 13. massae spiritus  $\mathfrak{z}$ iv. adhuc adieci, qui colorem oculis vix percipiendum inde assumsit.

§. 44.

*Exp. XV.*

Omni ex experimentis 12-14 collectum spiritum aqua adeo dilui, ut omnis resina fundum peteret; quod factum esse collegi e fluido filtrato,

e) Chem. Annal. 1784. B. 2. p. 35.



filtrato, quod noua aqua adiecta pelluciditatem non amittebat. In filtro, ante operationem exactissime ponderato, postea debito modo exsiccat, remanebat refina ponderis gr. 57.

§. 45.

Supereft adhuc modus, quo *extracta mixta* conficienda funt.

*Exp. XVI.*

Pulueri Cort Cascarillae ℥iv. affudi aquae ℥xxiv, quarum ℥xvj, praeuia digestionem per 36 horas e retorta, recipulo munita, euocabam; quibus innatabat aliquid olei aetheri, quod maxima cura collectum ad guttas 18 affurgebat.

*Exp. XVII.*

Aquam ab oleo segregatam commiscui cum toto in retorta adhuc haerente residuo Exp. 16, quod per horam coxi. Fluido decantato, et aquae ℥xij. iterum residuo affusis, coctionem per duas horas adhuc institui: quo facto fluidum percolatum et cum eo, quod antea obtinueram, commixtum, ad syrupi tenuioris consistentiam euaporau.

§. 46.

*Exp. XVIII.*

Quod in filtro remanebat, residuo bene exsiccat, affudi spiritus vini rectificatiss. ℥x. et digestionis calori per 24 horas exposui; decantato postea spiritu, eius ℥vj. iterum adieci pari ratione. Vtrumque spiritum commixtum filtratumque destillaui ad remanentiam ℥iv; quibus cum extracto exp. 16. commixtis et massa ad mellis consistentiam euaporata, *extractum* parau *mixtum simplex*.

§. 47.

*Exp. XIX.*

Quo ex extracto Exp. 18. vt conficerem *extractum mixtum perfectum* adieci oleum aethereum exp. 16; quo facto illud nunc omnibus viribus gaudere nobis visum est, quae in cortice ipso coniunctae latent.

§. 48.

Antequam in enarrandis, quae a me instituta sunt, experimentis prosequar ulterius, describendus mihi videtur apparatus, quem ad promouendas omnes, quae ad extracta paranda pertinent, operationes componere studui.

Machina, qua vsus sum, comparata erat fere sic. Vesicam, tam in orificio quam in fundo latitudinis 11"2"', eamque cupream et intrinsecus



trinfecus stanno optime obductam, quae tamen, vti circa altitudinem 8" (a fundo vsque, si machinam mensus fueris) diametro gaudet latiori, nimirum 15", sic in regione 4" (dimensione inde ab orificio instituta) ad ipsius fundi diametrum redit(a). Altitudo machinae erat 12", et in regione 10" tubulo (b) instructa erat, cuius ope aqua extrinfecus vasi infundi poterat. Iam in hac ipsa vesica lebes vel vas quoddam mere stanneum X, 11", si diametrum, et 9" si altitudinem spectaueris, duplicis ausae opera in prominenti circulo quodam interiori vesicae, orificium versus, suspensum haerebat. Ad machinam meam huc vsque spectatam, instruendam, apparatus illum destillatorium cum balneo maris, (alembic à bain marie) quo nomine chemicis f) satis notus est, valde idoneum esse, vel quamlibet vesicam communem facile adaptari posse, vel me non monente quisque videt. Iam vero vt circulo, vel si malueris collo, altitudinis 2", ex lamina ferrea stanno obducta confecto, eidem vesicae margini exteriori G. accurate circumiacenti, planum quoddam longitudinis 2'4" et latitudinis 1½', fines versus paululum inclinatum ac ora altitudinis 2" munitum, nec non in quatuor angulis exiguo foramine, obturamento facile explendo praeditum, ferruminis ope adaptaretur curavi. Huic ipsi, quam modo descripsimus, cistae inferiori A. desuper imposita erat alia, dualis ansis instructa, et eiusdem fere magnitudinis, ita vt ora superioris orae inferioris arcte circumiaceret. In superioris vero cistae B. superficie foramina rotunda patebant, pro varia patinarum, fluida euaporando exsiccanda continentium, atque his ipsis foraminibus imponendarum g) magnitudine, modo latiora, modo angustiora. Machinae, (quam ατρωπυκνωτικόν, vel quo facilius et lenius sit huius vocis pronuntiatio, ex analogia aliorum verborum, licet minus recte, ατρωπυκνός vocare auserim) exemplar, quod huic specimini adiunxi, descriptionem meam adhuc luculentiorum reddet.

#### §. 49.

Iam pergamus ad operationes huius machinae §. 48. paucis explicandas. Vesica in foco craticulae, vim ignis admodum augmentis,

f) Cf. BEAUME l. c. p. 9. LAVOISIER Traité elem. de Chimie T. II. p. 245. vbi etiam huius apparatus species ac forma delineata prostat. Galli hunc lebetem parum recte balneum mariae vocant, quum potius in balneo maris collocatus sit.

g) Si omnes huius cistae aperturae vasis euaporantibus non claudantur, operculis propriis fieri id optime potest.



tis, imponebatur. Craticulam inter et fundum vesicae intervallum erat 6", illaque ab hoc, si a quatuor craticulae angulis recesseris, prorsus erat obiecta *h*). Iam vero tam aqua vesicae inmissa, (cui et ipsa massa decocto destinata admisceri simul potest) bullit, quam vapores inde oriundi, fundum et latera lebetis interioris X. vndiquaque calefaciunt, ita ut et fluidum illud, quod in lebeate continetur (sive sit infusio, sive decoctum percolatum, sive aqua cum massa quadam decoquenda commixta) hoc ipso leniter ebulliat. Vapores vero ex lebetis X. orificio surgentes non minus ad interiorem cistae B. superficiem, quam ad patinas fluidis repletas et huic cistae impositas extolluntur; partibusque igneis, quae patinas permeant, amissis, vapores in aquae guttas iterum coalescunt, quarum pars in lebetem X. relabitur, pars vero per foramina cistae A. effluit.

§. 50.

*Exp. XX.*

C. Angusturae ℥ij, aquae ℥6. affudi. Qua quidem aqua post 24 horarum spatium colo transmissa, residuo adhuc ℥4. aquae infudi. Hoc quoque liquido post totidem horas percolato et tam huius quam Exp. 8-11. (§. 36.) residuo ℥10. aquae affudi, ac haec omnia vesicae indidi. Vtraque infusione inuicem commixta, ℥6. eiusdem lebeti interiori X., reliquae vero ℥4. orbibus cistae B. impositis, paulatim a me infundebantur. Massa haec iam post  $\frac{3}{4}$  horae spatium bulliebat, quod ne remitteret omni modo curavi. Si et fluidum illud in lebetem X. infusum mox admodum spumans bulliebat, nec non orbes cistae B. impositi iam antea vehementer fumabant. Post 7 horas fluidum illud in X., (cuius conditio, sublata patina in medio machinae posita, animaduerti poterat,) syrupi spissitudini parum cessit. Ne autem ibi in siccum abiret extractum, lebetem X. de machina extuli, et cistis A. et B. rursus machinae impositis, spissam illam massam orbibus infudi, ubi post horas 2. siccum euasit extractum, quod diligentius ab orbibus abrasum, aequabat pondus ℥3ij. gr. XL. Carbonum vero consumptio non excedebat pondus ℥3½.

§. 51.

*Exp. XXI.*

Decoctum illud vesicae inditum Exp. 20. percolatione facta erat pondere ℥10: nimirum quia adhuc ℥4. aquae per tubum trans-

*h*) Vesica ipsa laneo panno induta erat, quo minus aëre exteriori iustocius frigeret.



transfusae erant. Iam decocto hoc percolato, in lebetem X. transfuso, residuum (cui pulverem in filtro haerentem, diligenter perluendo collectum, addere haud omisi) ℥ 10. aquae commixtum iterum coxi; percolati autem fluidi partem aliam lebeti X., aliam orbibus infudi. Elapsis horis 9. tota massa, eodem modo, ut supra diximus, exsicca erat. Extractum trutina examinatum aequabat pondus ℥ iij: carbonum vero (quae tempestatis frigidioris forsan culpa erat) consumsi ℥ 4. § 4.

## §. 52.

## Exp. XXII.

Decoctum illud Exper. 21. percolatione rediit ad ℥ 8, quarum — simulac aqua residuo massae Exp. 21. infusa, bullire coepit — ℥ 4. lebeti X. ℥ 1. patinae maiori C. in medio machinae collocatae, ℥ 1. denique reliquis 4 patinis minoribus infudi. Post horas 4, 50' patina C. arefacta erat. In reliquis vero minoribus adhuc fluidi residuum apparebat, quod ex singulis confusum faciebat pondus ℥ ij α) Iam cistis A. et B. (quas euaporatorias appellare liceat) sublatis, lebetem X. e machina elatum diligenter obtexi, usque dum frigidus euaserat (ubi fluidum residuum deprehendebatur ℥ xv β) Nunc quidem affusis adhuc aquae ℥ 4. solam cistam euaporatoriam, absque lebeti X, vesicae imposui; (id quod eo consilio feci, ut explorarem, an vapores aquae ex ipsa vesica, demto lebeti X, ad cistam euaporatoriam surgentes, massarum cistae impositarum euaporationem augeant nec ne) et cum aqua bulliret, patinae C. iterum ℥ 1, nec non patinis 4 minoribus ℥ 1. infudi. Patinam C. post horas 4½ siccam, in reliquis vero patinis fluidi adhuc ℥ xiv γ) deprehendi. Massa autem ℥ 16, in vesica per 9½ horas cocta, redierat ad ℥ 4. § 7. Extractum, massis α β γ euaporatis, erat ℥ ij gr. 40.

## §. 53.

## Exp. XXIII.

Decoctum Exp. 22. filtratum in lebetem X, residuum cum ℥ 12. aquae in vesicam, et ℥ 3. infusi frigidi, ex ℥ iv C. Peruv. rubri α) parati, in cistam euaporatoriam infundebantur. Post 5 fere horas patinae siccae erant, in lebeti X. vero ℥ iij β) fluidi supererant; quae euaporatae ℥ i gr. XXVIII. extracti, quod a communi aliorum Angusturae extractorum sapore multum discrepat, praebuerunt. In vesica ℥ 8. remanserunt. Comburebantur carbonum ℥ 4. § 4.



*Exp. XXIV.*

Decoctum Exper. 23. percolatum, coloris dilute flavi, euaporatumque exhibuit extractum gr. XLI. facile humiditatem attrahens (cuius speciem adieci). Residuum in filtro remanens vini spiritu tractatum est (cf. experim. 12-15. §. 43. 44).

## §. 54.

*Exp. XXV.*

In vesicam aqua, in lebetem X, C. Peruv. rubri 3j. cum aquae ℥ivβ, infundebantur, vt explorarem, an discrimen aliquod in eiusmodi extracto obseruarem, quod absque praegressa infusione paratum erat. Ipsi lebeti X. imposui patinam maiorem C, absque cista euaporatoria, repletam infuso C. Peruv. a.). Fluido in patina C. post horas 3. 45' exsiccato, rubrum supererat extractum coloris vere lateritii, cuius specimen apposui:) quod cum extracto Exper. 23. et reliquo, ab integra C. Peruv. infusione prima, euaporatione obtento, ad pondus 3iij gr. XXVII. rediit. In lebetem X, facta per horas 4½ coctione et subsequente filtratione fluidi f.) ℥3. residuae erant.

*Exp. XXVI.*

Infundebantur in vesicam aqua, in lebetem X. ℥4. secundae C. Peruv. infusionis b) in discos cistae euaporatoriae decocti f.) Exp. XXV. ℥2; post 4. circiter horas disci sicci euaserant, in lebetem X. vero ℥1. 3iβ remanserant. Carbonum consumtae sunt ℥3. 3v. Extractum secundae infusionis, coloris rubro-fusci in purpureum vergentis, (quod cum ill. medicorum ordine communico) ponderis erat 3iβ gr. XXXVI: extractum vero decocti f) Corticis ad gr. LIV. rediit.

## §. 55.

*Exp. XXVII-XXIX.*

Primae C. P. infusiones extracti (Exp. 23.) a.) 3j, secundae, (Exp. 25.) b.) 3j, et extracti per coctionem parati f.) gr. 54. cum exigua quantitate aquae leni ad solutionem calori exponebantur, donec syrupi consistentiam acquisiuerant; ac dein refrigerata in aquae 3v mittebantur. Solutio turbida, post aliquot vero horas pellucida euasit, vinique rubri, (quod *Bleicher* vocant) colorem assumpsit, in fundo sedimentum erat conspicuum. Filtrabam solutionem per colatoria, ex charta emporctica alba accurate ad cl. WESTRUMB consilium confecta, et ponderata; quibus diligenter siccatis remanens in filtro ab extracto a.), erat gr. VI, a. b.), gr. IX, a. f.) gr. XIII.

## §. 56.



## §. 56.

*Exp. XXX.*

Tres hae solutiones in balneo maris euaporabantur: omnibus color fuetus, fuscus, erat communis; extractum vero A. et B. colorem, quem antea habebant, amiserant. Secunda vice, sicut in §. 55. tractata, atque in aqua soluta, iterum turbida euaserunt. In filtro ab extracto a.) remansit residuum gr. II; a B. residuum gr. III; a f. gr. V: omnia sapore fueto gratoque gaudebant.

*Exp. XXXI.*

Solutiones illae 3 extractorum Exper. 30, eodem modo tractatae et denique in aqua solutae, paululum adhuc turbabantur, colorque solutionum adhuc ruber erat.

## §. 57.

*Exp. XXXII.*

Cortex Peruv. Exp. 23. tertia vice ℥ 3. aquae infundebatur. E tertio hocce infuso, perfecta euaporatione, obtinui 3j gr. XV.

*Exp. XXXIII.*

Tertiae infusionis residuum (Exp. 32.) cum ℥ 9. aquae in vesicam, in lebetem residuum C. Peruv. (Exp. 25.) costii, cum ℥ 3. aquae, immissa sunt; et super patinis cistae euaporatoriae partem infusi C. P. distribui. Patinae post 5 horas, 20' siccae erant: carbonum ℥ 3. 3vij combustae erant. In lebete X. remanserunt ℥ 1. 3vj; in vesica, post filtrationem fluidi ℥ 5β.

## §. 58.

Ne plurium eiusmodi experimentorum enarratione lectores fastigem, id solummodo exhibeo, quod:

*Exper. XXXIV.* primae C. Peruv. coctionis (Exp. 33.) fluidum residuum, perfecta coctione dederit 3jβ gr. VIII. extracti.

*Exper. XXXV.* secundae coctionis, 3j gr. XXV.

*Exper. XXXVI.* tertiae coctionis, 3j gr. V.

*Exper. XXXVII.* secundae coctionis C. P. Exp. 25, gr. LII.

*Exper. XXXVIII.* tertiae coctionis eiusdem C. P. Exp. 25, gr. XXXIX: nihilo tamen minus nec corticis huius, nec illius Exp. 36, partes extractivae, plane exhaustae erant.



## §. 59.

Finem operi impositurus, ad apparatusum eum, cuius supra mentionem fecimus, vberius adhuc describendum, pauca adicere adhuc animus est. Apparatum huncce secundum omnia ea, quae ad obtinenda, *temporis spatio, quantum fieri potest breuissimo, et minimis impensis*, extracta bona requiro, composui. An omnibus hisce satisfecerit, iudicent intelligentiores. — Commoda ex hoc apparatu oriunda, paucis eo redeunt, primum vt extractum sic confectum numquam euadat adustum; porro vt licet siccum sit, alieni tamen et perniciosi nihil contineat; denique vt eodem igne, quo euaporatio, particularum aquosarum vaporibus excitanda, efficitur, massa quoque lebeti X. indita tam coqui, quam euaporari, nec non alia massa vesicae infusa simul coqui, vel coctum iam fluidum magis concentrari possit; id quod equidem experimentis satis demonstrasse mihi videor. Ex illis enim curiosius institutis et inter se comparatis in genere obseruavi, per machinam descriptam, 5-6 horarum spatio, ℥ 8. aquae (℥ 2. supra cista euaporatoria, ℥ 3. in lebeti X, totidemque in vesica) combustis carbonum ℥ 3β 3iv, in aërem abigi. Haec carbonum consumptio, (quae pretium  $\frac{1}{3}$  partis nummi imperialis fere aequat,) valde exigua est, vt taceam, quod cum in vesica, tum in cista euaporatoria, magna partium volatilium copia conseruetur, extractaque, quae vel deficiente omni cura aduri nequeant, pura imo sicca exhiberi possint. Cista euaporatoria quoque ad digerendum atque destillandum, balnei vaporis ope, inferuire potest.

## §. 60.

Ceterum idem quem descripsimus apparatus, admodum adhuc amplificari potest, dummodo pro maiori cistae euaporatoriae ambitu, maiorem quoque adhibueris vesicam, grandiusque ahenum. Quum vero illa ipsa cista euaporatoria vesicae non sine molestia apponi atque adimi, lamina vero stanno obducta, vti nimis sumtuosa, sic etiam parum firma ac durabilis videri possit; equidem si digna videretur machina, quae in ampliori laboratorio exstruatur, inferiorem cistae A. partem pro spatii longitudine, ex lateribus coctis confici posse arbitrer. Quodsi vero et hoc nimias molestias creet, vt cistam B. e lamina mere ferrea confectam, rubiginis euitandae causa, gypso obduces, vel lateribus coctis tenuioribus, (nobis: *Biberschwänze*) obtegeres, equidem suaderem. Sic etiam cistam superiorem B. parari atque concinnari posse crediderim. Ne autem iam  
nunc





nunc cistae B. circulo vel collo (in machina versatili, qua equidem in experimentis meis usus sum, vesicae margini G. circumiacente) impediariis, quo minus vesicam lebetemque interiorem X. prouti libuerit et necesse fuerit, loco suo remouere, aliisque fluidis infusis, reponere possis; duplici circulo opus esse videtur; altero ( $\alpha$ ) cistae A ferrumine affixo eodemque prorsus plano; altero ( $\beta$ ) nulli machinae parti ferruminis ope affixo, inferiorem oram versus paululum excauato, ac duabus verticulis (charnière) ex diametro sibi oppositis praedito, ita ut circulus hic, priori eidemque plano circumpositus, et spinula, verticulae apertae transmissa, connexus, excuatione sua marginem vesicae superiorem amplectatur, sicque cistis euaporatoriis affixum teneat, circulo vero hocce, spinula reuulsa, demito, vesica versatilis euadat.

Sed haec iam potiora sunt, quae ad doctissimam quaestionem Vestram, Viri illustres, habebam respondenda. Multa quidem, fateor ipse, adhuc supersunt corrigenda, experimentisque in tractando hoc argumento curiosius adhuc indaganda; quae tamen, quum in doctissimis praelectionibus Vestris frequentandis, et pro virium modulo, in succum sanguinemque, ut aiunt, vertendis, nec non in machina illa excogitanda, et opifice indolis huius machinae notitia instruendo, tempus citius, quam ipse putabam, praeterierit; vberiori disquisitioni referuanda censui, praecipue, si quaecunque hoc specimen forsan dignum Vobis visum fuerit, quod praemio ornaretur.

















# 10102

SPECIAL

87-B

7184

THE GETTY CENTER  
LIBRARY



